



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

*QUOD LIBETARIIS DISPUTATIONIBUS,
manè discutienda in Scholis Medicorum, die Veneris, decimo-sexto
mensis Decembris, anno Domini M. DCC. XLVI.*

M. ANTONIO PETIT, Doctore Medico, Præside.

An in Systole suâ Cor decurritur?

I.



UAS sacro Natura tegit involucro, operandi leges, in propatulo
ponere quàm arduum! ipsa, quæ subiecit oculis, sensumque juris
fecit, vix certò poteris dignoscere, etiam in concilium advocatâ ra-
tione. Costas in contractione suâ cor pulsare docuit tactus: viventis
animalis pectus aperis solertissimè, cordis motus observas attentè, hoc
arctari & pallere, dilatari & rubescere vicibus alternis vides; at cedo,
decurritur-ne dum constringitur & pallet? Hæres incertus. Motu tam præcipiti, vio-
lentâque aded convulsione, his in rerum angustiis, cor agitur, ut tuorum aciem
oculorum fugiat; quid mutationis inducat systoles: spectas donec ab instante mor-

A

te cor languidum & debile motus edat lentiores: forsitan tunc lucis affluget rarius. At quid interim? Stupendam cordis fabricam evolve, & abunde tibi erit, unde ab hujusce rei ambagibus tuto te expedire possis. Cor pyramidalis formâ, cuspidè obtuso, arcuatâ basi donatum, à supremis ad infima compressum, medio fermè in pectore obliquè nonnihil suprà diaphragma situm cernis: dextram, supernam posticamque sedem basis occupat, hinc obliquè ita procedit cor, ut sinistra, inferna & antica teneat apex: hæc ut inspiceres conicum, diaphragmati hærentem, cor involventem, saccum membranaceum aperuisti, Pericardium ille vocatur, & triplici tunica constat, quarum interior expanditur ita, ut cordi suppediet involvorum; ad basim cordis oculos converte, ibi conspiciendas se præbent appendices duæ musculosæ, ad limbum dentatæ, à figurâ auriculæ dictæ, hæc spectat anteriora, dextra vulgò, maximè unitur venæ, illa posteriora respicit quadruplici ostio cum venis è pulmone ortis communicat, sinistra audit. Tendine circulari nectitur cordis basi unaquæque, septoque medio commercium ab unâ ad aliam intercluditur; ad thalamos cordis eæ ducunt; duo sunt illi, septo distincti, capaces multum, sulcis exasperati, lacertulis instructi plurimis, è quibus fibrillæ tendinæ nascuntur, quæ margini implantantur valvulæ circularis (a) ad ostium auriculæ posita, ampliata quâ parte spectat ostium-quoddam hians in cavo arteriæ ab unoquoque ventriculo oriundæ: è ventriculis istis unus anterior, qui improprio nomine dexter vocatur, (b) alter posterior, qui sinister solet nominari; prior, capax breviusque magis quàm posterior, pariete cingitur minùs crasso & robusto, posterior capacitatis defectum longitudine compensat suâ: hinc plus in se non admittit liquidi dexter, quàm recipere sinister valet. Uterque pervius internè oculis venarum Thebesii (c), & Verheyeni (d) arteriæ natales concedit, quæ valvulas tres semi-lunares, fibris carneis & corpusculis sphaeroideis instructas (e) in principio gerit. Quæ ventriculorum parietes constituunt fibræ musculares, vario disponuntur ordine; Loe-
werus, & Scholæ nostræ decus Winslow improbo labore *vix satis extricandæ*
fibrarum istarum seriem (f) evolvere, rectasque, arcuatas, spirales aliquo modo, obliquas, transversas cordi esse fibras monstrare. Dum autem illæ simul contrahuntur omnes, cor decurtari pro certo tenebis, modò attendas sanguinis circuitum absque illâ decurtatione perfici non posse.

I I.

NON omnia apud priores inventa, sed antiqua quoque ætas multis laudis & ætium posteris reliquit, (a). Qui veteres artis nostræ parentes omnes (si forte Hippocratem exceperis [b] fugerat sanguinis Circuitus, duobus abhinc sæculis à Columbo & Cesalpino perceptus, atque non ita obscurè expositus, tandem ab Harvey Medico Anglo fuit luculenter adeò demonstratus, ut declinatis, quæ adversus illum Riolanus & Piso contorserant, telis, novæ pulchriorisque Medicinæ factus fuerit basis & fundamentum. Mirum sanè rem perceptu ita facilem per tot sæculorum seriem tam gravi oblivione conspeditam jacuisse, ut de illâ ne quidem cogitaverint Medici, mirum magis è tenebrosâ caligine prodeuntem profigandis hostes invenisse. O prodigium inenarrabile! Centum videas annos perennæ delicatolis admodum machinulis editum hunc sanguinis circuitum, id est, per diuturnum adeò tempus, è singulis humani corporis partibus dimanantem sanguinem colligat cava vena, & ad cor vehit; ille dilatatum cordis thalamum dextrum rectâ ingreditur, (c) per mediam auriculam profiliendo: impleto, moxque constricto ventriculo dextro-elevatur valvula circularis, quæ reditum ad auriculam arietanti sanguini denegat; patulum arteriæ pulmonalis os, impete factò subit pressus etuor; dum adveniens de novo in auriculâ diverticulo moratur, donec depressâ valvula liberum concedant ingressum, quo factò pellitur ille auriculæ contractæ vi, & in ventricu-

(a) Lieutaud, *Essais Anatom.*
Hæc perperam ab antiquis in-
tes distincta sunt
pates, quæ val-
vule tricuspidalis
appellabantur.
(b) Winslow,
& post illum
Heister.
(c) Dissert. de
circul. sang.
(d) Anat. de
cord.
(e) Vide Morgagni advers.
Anatom. 14.
(f) Heister.
Comp. Anat.

(a) Tacit. lib.
3. Annal.
(b) Vide Des-
lincourtium, qui
multis rationum
momentis, Hip-
pocratem san-
guinis circuitum
novisse, probare
conatur.

(c) Lege Ver-
heyeni de sang.
circul.

Ita labitur simul cum eo, qui immediatè salit è cavâ venâ. Vix autem in pulmonalem sese insinuavit arteriam purpureus liquor, cum hujus contractione excitatus accedit ad pulmones, quibus lustratis, per venas ad cor redit, in auriculam finistram mox in ventriculū laevum descendit, brevī per Aortam ascensusus, hincque corpori universo prospecturus. Huic ita ordinato sanguinis circulo debentur quaecumque nostro in corpore perficiuntur functiones, tandiūque vitæ fruimur usurâ, quandiū Cor, circulationis autor, choreas renovare suas poris est. Si etenim cordi inflicto vulnere, majoris arteriæ aut venæ ligaturâ, congesto sanguine, eodem-ve coacto, vel aliâ quâcumque de causâ circulus ille interceptiatur, illicò vita sufflaminatur. Quis igitur ex his non videt ad vitam circulationem necessariò fieri, & ea proinde sine quibus fieri non posset, necessariò quoque existere?

§ I I.

NUNC autem valvularum circularium structuram & præsertim cum ventriculorum lacertulis in margine suo alligationem tecum reputa, sentiesque sanguinem corde contracto pulsū ad auriculam fore remeaturum, nisi orbiculares valvulæ eleventur, sicque arteriarum ostia recludant, auricularumque ora obducant; verum quī fiet ut eleventur illæ? Nonne relaxentur multū cordis columnulæ necessè est? Solâ decurtatione cordis in systole remitti possunt; quod quidem omnium primus & animadvertit & scriptis mandavit Clar. Lowerus (a); hunc eò libentiùs loquentem hic loci induco, quòd *benignum & plenum ingenii pudoris semper cum Plinio existimaverim sateri per quos profeceris*, quòdque quorundam jaçantiam hoc ipso possim retundere; hunc audias ergo; *cum mucro cordis in omni systole versus basim adducatur, papilla quoque sursum motu fibras suas quasi lora multum relaxata remittunt; quo fit ut membrana quoque, quibus alligantur, laxè pendentes à sanguine in omni cordis systole expresso, quasi vela à vento impleta sursum propellantur, proindeque ostium illud cordis tam accuratè occudant, ut liquoris ne una guttula in auriculam refluxere possit, sed in pulmones, quâ datâ portâ, totus expellatur. Verum ut in omni systole cordis cono ad basim propius adducto papilla fibras suas multum relaxant, ita in diastole conus iterum recedens, papillas earumque fibras secum simul deducit, undè fit ut membrana quoque contracta ostium cordis protinus recludant & sanguini ab auriculâ impulso foras quasi aperiant.* His Clar. autoris verbis ejusdem circâ rem istam experimentum addam. Si itaque sectâ auriculâ, in ventriculū aqua mittatur, usque dum valvulæ limbus aquæ superficiem attingat, denique ita prematur ventriculus, ut ad basim mucro pellatur non nihil, tunc aquam valvulam inflare videbis & per arteriæ cavum manare: contrarium accidet, si, ut pluriès feci, apex trahatur ita ut à basi recedat, tunc enim ad arteriam nil fermè liquoris venit, & per patentem auriculæ aperturam profilit ille. Nec est quòd ventriculorum lacertulis à nobis concessam agendi rationem revoces in dubium, ipse Boerhaavius (b) opinioni suffragator noster cum scribit, *fibra & columnula in cavo utriusque ventriculi nata resistentis in systole, retrò trahendis in diastole, valvulis inserviunt.*

§ V.

MUSCULARES totius corporis fibras in contractionem actas decurtari nemò nescit; habet-ne cor undè communi huic non obtemperet legi, contrariòque motum suum edat modo? Minimè certè. Nec fibrarum, quibus constat, indoles nec earundem ordo simile: quid unquam suadere possunt. Quid? tot tantumque momenti, quæ in medium adduximus, argumenta nostras in partes adducere nequeunt? At fidem illis denegare, qui cor decurtari in systole suâ, vidisse se testantur, religio tibi erit: his ergò tuas aures præbe, sic Steno (a), ex Cuniculi foribus ex nervo extractis notavi cor post contractionem fieri longius, & si commodo suu teneatur manifestè patere eum longius fieri, proprio pondere concidere, & corde

(a) Traité de la corde.

(b) Institut. Médec. dic.

(a) Observ. ex variis animalibus factis.

(b) De re-
cis & proximali
mixti principi.

(c) Anato. ra-
tiona.

(d) Aq. Reg.
Scien. Acad.

ita collapsa primo pulsant auricula, inde momento quasi conus cordis anteriora versus sursum elevatur, dexter ventriculus, intumescens brevior fit, totum cor ad contactum durius & pulmonalis arteria visa intumescere. Hæc Vieussenius, (b) ita ut primi motus vi contrahatur, adeoque ventriculorum ejus parietes ad se invicem accedant, & conus versus basim non nihil inclinetur. Quæ sequuntur protulit Tavvry noster (c), si quis aperiat ranam viventem cor albescit & sanguinem expellit, quando mucro basim appropinquat; rubet verò, quando mucro a basi recedit. Idem plurimis in animantibus se semper vidisse testatur Clar. Hunauld (d) cui ab Academiâ Scientiarum Regiâ fuerat demandata provincia animalia secandi ad illud observandum. Boerhaavius, Diemerbroeckius alique complures, quos hic recensere omnes longius foret, cor contractum decurtari se vidisse profitentur. At quid te moror? Tuis tantum oculis fide. Ad sectum animal redeamus, jam cessarunt convulsi præcitesque nimium motus, in extremis positi animalis cor lentè imbecillèque admodum pulsar, jam systoles dia- stolesque motus facili de negotio discernere vales, jam in priori hoc decurtari apprimè cernis, quid igitur obstat quominus certam pronunties conclusionem?

V.

VERUM, inquis, in systole suâ costas pulsare Cor manifesto probatur experimento; si quis enim dextrâ suprâ cordis regionem positâ, alterâ motum Radialis arteriæ exploret, uno eodemque temporis puncto sentiet utriusque pulsus: quo autem concipi potest modo cor in systole costas pulsare, si tunc decurteretur? Præstet nobis est responsum: obliquam à posterioribus ad anteriora, supremisque ad inferiora lineam describere, cordis aximi jam innuimus; quid si rectam, sese elevando, affectet lineam? Nonnè costas attinget? Profectò. Longior enim est diagonalis, sibi opposito parallelogrammi latere. Nec te moveat Harveii, Borelli, aliorumque autoritas; illi namque caducis rationum momentis induciti, cor elongari scripsere, sed illud se vidisse nunquam asseverarunt. At, pergis, in systole possunt elongari cordis columnulæ... possunt elongari?... Hoc ridendum potius quàm seriò retellendum; quis enim cogitavit unquam libras contractione actas elongari?

Ergo in suâ Systole Cor decuratur.

DOMINI DOCTORES DISPUTATURI.

M. Benjamin - Ludovicus Lucas
de Lauremberts.

M. Leander Peager, Consultarius
Medicus Regis ordinarius in
ejus Castellato.

M. Ludovicus-Alexander Vieil-
lard.

M. Ludovicus-Guillelmus le Mon-
nier, è Regiâ Scientiarum Aca-
demiâ, Regiæque Scientiarum
Academiæ Berolinensis Socius.

M. Josephus - Exuperius Bertin,
Supremi Valachia & Molda-
via Principis Medicus ordina-
rius, Regiæ Scientiarum Aca-
demiæ Socius, & Chirurgiæ
Professor designatus.

M. Joannes - Ludovicus - Livinus
Baude de Lacloy, Bibliothecæ
Facultatis Præfectus.

M. Nicolaus le Roy de S. Aignan.

M. David Vasse.

M. Andreas-Josephus Seron.

Proponebat Parisiis CAROLUS-FRANCISCUS THEROULDE DE TOULOUSE
DE VALLUN, Bajocaus, Eques, Doctor Medicus Cadomenfis, nec non
Saluberrimæ Facultatis Medicinæ Parisiensis Baccalaureus, A. R. S. H. 1746,
à sextâ ad meridiem.